



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 01/2021

Sarajevo, 24.02.2021.godine

Predmet: Obavjest za voćare-zimsko prskanje

Obavještavamo voćare da prate razvojni stadij pupova, kako bi u fazi bubrenja pupova izvršili prskanje primjenom bakarnih preparata. Kada se pupovi otvore, primjena bakarnih preparata može izazvati fitotoksičnost. Zimskim tretiranjem voćaka suzbijaju se mnogobrojne prezimjele forme štetnika kao što su: lisne, štitaste i krvave uši crveni pauk, razni savijači, kruškina buha, jabučni cvjetojed, šljivin moljac, a istovremeno se smanjuje pojava šupljikavosti i kovrdžavosti lista, bakterijski rak, kao i rogač šljive. Obzirom da je došlo do znatnog porasta temperatura, koje iznose i do 16° C, a najavljuju se i kišni dan za vikend, što može dovesti do infekcija uzročnicima paleži cvjeta i sušenje izboja (*Monilia laxa*) kao i šupljikavost lista (*Stigmata carpophila*). Od preparata se mogu koristiti: Chorus 50 WG, Signum DF, Indar 5 EW i dr.



Zimsko tretiranje se izvodi u vrijeme mirovanja odnosno pred kretanje vegetacije, čim vremenske prilike dozvole. Koštičavo voće, kao i malinu i kupinu treba tretirati nešto ranije jer ove voćne vrste kreću ranije sa vegetacijom. **Tretiranje je najbolje obaviti kada su stabla voćaka suha i spoljna temperatura iznad 5-7° C, da bi se izbjeglo izmrzavanje.** Potrebno je da se voćke dobro oprskaju sa svih strana, jer uzročnici bolesti prezimljuju kako na kori, tako i u rašljama grana i u pukotinama kore.

Za tretiranje se koriste preparati na bazi bakra i mineralna ulja. Navodimo neke od preparata na bazi bakra : Nordox 75 WG, Champion 50 WG, Neoram WG, Kupropin, Cupro Cafaro 50 WP, Airone SC. Najbolje je koristiti gotove fabričke kombinacije bakra i mineralnog ulja kao što je Modro ulje ili Red fox.

Svako tretiranje je potrebno evidentirati, a ambalažu zbrinuti na pravilan način.
Preparate koristiti u skladu sa uputstvom proizvođača.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

